



## **Aningaasaqarnermut Aatsitassanullu Naalakkersuisoq**

**Ulloq:** 10. juni 2016  
**J.nr.:** 01.31.06/16-00713

### **Aningaasaqarnermut Akileraartarnermullu Ataatsimiititaliap tallimanngornermi ulloq 3. juni 2016-imi aalajangiineranik Naalakkersuisunut ilisimatitsineq.**

#### **Mittarfiliornissat pillugit sulinerup ingerlaqqinnera. - Suliaq nr. 01.31.06/16-00713.**

”Naalakkersuisut inassutigaa,

- konto pingaarnermi 20.01.01-imi, Aningaasaqarnermut Naalakkersuisoqarfimmut tunngasumi, aningaasaliissutit 2016-imi 400.000 kr.-nik amerlineqassasut,
- konto pingaarnermi 87.11.09-mi, Assartuussineq pillugu Isumalioqatigiissitaq, misissueqqaarnernut tunngasumi, aningaasaliissutit 2016-imi 400.000 kr.-inik ikilineqassasut,
- konto pingaarnermi 89.71.40-mi, Nukissiorfinni sanaartornermut taarsigassarsiarititanut tunngasumi, suliasaq nr. 996.17.770-imut, Nukissiorfinni 2014-imi taarsigassarsiarititanut tunngasumut, aningaasaliissutit 130.000.000 kr.-inik ikilineqassasut,
- konto pingaarnermi 89.71.40-mi, Nukissiorfinni sanaartornermut taarsigassarsiarititanut tunngasumi, suliasaq nr. 996.17.771-imut, Nukissiorfinni 2015-imi taarsigassarsiarititanut tunngasumut, aningaasaliissutit 70.000.000 kr.-inik ikilineqassasut,
- konto pingaarnermi 10.13.11-mi, Aktiaateqarluni ingerlatseqatigiiffinnut toqqaannartumik aningaasartuutitut tunngasumi, aningaasaliissutit 200.000.000 kr.-nik amerlineqassasut, aamma
- IA2016-imut oqaasertaliussaq ilanngussaq 1-imi ilanngunneqartoq akuerineqassasoq.”

### **Aningaasaqarnermut Akileraartarnermullu Ataatsimiititaliap oqaaseqaatai apeqqutaalu:**

#### Tunuliaqutaasoq:

Suliasaq una ataatsimiititaliamit ulloq 8. april 2016-imi tiguneqarpoq. Suliamut aallaaviuvoq Mittarfinnik arlalinnik sanaartornissamut Naalakkersuisut peqquneqarnissaat pillugu siunnersuummik Inatsisartut 2015-imi ukiakkut ataatsimiinnermi akuersinerat, tassunga ilaapput Nuuk, Ilulissat Qaqortorlu pingaarnersiorlugit tulleriinneri aalajangersagaanngitsut. Siunnersuummik siuliani taaneqartumik (UKA 2015/18) suliarinninnermini Sanaartornermut Ataatsimiititaliap isumaliutissiissummini maluginiarpaa naalakkersuisooqatigiit 4. december 2014-imi isumaqatigiissutaanni aalajangiunneqarsimasoq sanaartornermut suliasat suliarineqarnissaannut aktiaateqarluni ingerlatseqatigiiffimmik pilersitsisoqassasoq. Tamatuma saniatigut isummernissamut tunngavissiami matumani immikkut tunngavigineqarpoq “Piffissami 2016-imit 2022-mut sanaartortitsinissamut attaveqatigiinnermilu aningaasaliinernik aningaasalersuinissamut sinaakkusersuineq pillugu isumaqatigiissut” 2. december 2015-imeersoq. Isumaqatigiissutip suliarineqarnerani immikkoortut UKA 2015/18 aamma

167 pillugit Sanaartornermut Ataatsimiititaliap isumaliutissiissutaa assut pingaartinneqarsi-  
masoq Naalakkersuisut paasissutissiissutigaat.

#### Suliami pineqartoq:

Tamanna naapertorlugu mittarfiliortiternissamik suliap ingerlateqqinneqarnissaanut aktiaate-  
qarluni ingerlatseqatigiiffiup nutaap pilersinneqarlunilu atorneqarnissaa naapertuuttut  
Naalakkersuisunit isigineqarpoq. Akuersissutiginninnissamik inassuteqaat una aqutugalugu  
Naalakkersuisunit kissaatigineqarpoq ingerlatseqatigiiffimmik pilersitsinissamut inatsisitigut  
tunngavissinneqarnissaq.

Ingerlatseqatigiiffimmik taamaattumik pilersitsinikkut mittarfiliornissat naammassineqarnis-  
saannut aqqissuussinermik ataatsimoortumik piginnaaneqarlunilu misilittagalimmik pilers-  
itsinissaq periarfissinneqassasoq Naalakkersuisunit naatsorsuutigineqarpoq. Ingerlatseqati-  
giiffiup siunertaraa Ilulissani, Nuummi Qaqortumilu mittarfinnik nutaanik taakkununggalu  
atasunik atortulersuutunik sanaartornissaq, tamannali sioqqullugu piareersaalluni suliap  
ingerlanneqaqqaassapput aammalu Aningaasaqarnermut Akileraartarnermullu Ataatsimiiti-  
taliap akuerineqassallutik. Taamaattumillu mittarfiliornierup aallartinneqarnissaa qinnute-  
qaammi ilaanngilaq.

Sanaartorneq aatsaat aallartinneqarsinnaassaaq pilersaarusiorneq naammassereerpat aningaa-  
salersueriaaserlu qanoq ittoq atorniarneqarnersoq paasinarsereerpat. Aatsaat taamaalippat  
suliniutit teknikikkut aningaasaqarnikkullu kingunerisassaap ilisimaneqalissapput. Taamaat-  
tumillu ingerlatseqatigiiffimmik suliap piareersaataasut sapinngisamik piaartumik aallartin-  
neqarnissaannik suliaqartussamik pilersitsinissaq Naalakkersuisunit inassutigineqarpoq.

#### Sulinerup ingerlaqqinnissaa:

Tamanna naammassineqareerpat mittarfiliornissamik suliassat Aningaasaqarnermut Akile-  
raartarnermullu Ataatsimiititaliap aalajangiiffigilerpagit qanoq ingerlatsinissamik pilersaa-  
rutit (business-cases) kiisalu taarsigassarsinnaanermut piomasaaqatit pillugit aningaasa-  
qarnermut tunngatillugu naliliinerit ataatsimiititaliamut saqqummiunneqassapput. Qanoq  
ingerlatsinissamik pilersaarutit (business-cases) ataatsimiititaliap akuersinera mittarfiliorn-  
nissat aallartinneqarnissaannut pisortatigoortumik akuersinerussaaq. Tassunga atatillugu  
suliniutit teknikimut aningaasaqarnermullu tunngasortai pillugit apeqquteqarnissamut  
ataatsimiititaliaq periarfissaqarluassaaq.

Ingerlaavartumik nalunaarusiortarnissaq aammalu killiffik pillugu qaammatit tamaasa  
Aningaasaqarnermut Akileraartarnermullu Ataatsimiititaliamut aammalu Sanaartornermut  
Ataatsimiititaliamut paasissutissiisarnissaq Naalakkersuisunit neriorsuutigineqarpoq.

#### Aningaasaqarneq:

Siuliani oqaatigineqartut qinnuteqaammi pineqanngilaq mittarfiliornissat aallaartinneqar-  
nissaat, tassa pilersaarusiornissat inaarutaasumillu ataatsimoortumik aningaasalersuutissatut  
pisariaqartitat suli paasinarsinneqanngimmata. Ingerlatseqatigiiffimmik pilersitsinissap  
akuerineqarnissaanik inassuteqaatip saniatigut Naalakkersuisut inassutigaat 200 mio. kr.-it  
aningaasaliissutissatut akuersissutigineqassasut. 200 mio. kr.-it taakku Nukissiorfinnut taar-  
sigassarsiarititassatut siusinnerusukkut neriorsuutigineqartut ikilinnerisigut aningaasaler-  
sorneqarnissaat Naalakkersuisunit qinnutigineqarpoq. Aningaasat 2014-imi 2015-imilu  
Sanaartugassanut Iluarsagassanullu Aningaasaaateqarfimmu ilineqarput piffissamilu qanit-  
tumi atorneqarnissaat ilimanarani. Tamatuma saniatigut Nuummi, Ilulissani Qaqortumilu  
mittarfiit piusut taakkununggalu ilaareersut illut, teknikikkut sanaartukkat kiisalu pigisat  
nuunneqarsinnaasut nalingisa aningaasaliissutigineqarnissaat akuerineqassasoq Naalakker-

suisut qinnutigaat. Ingerlatseqatigiiffiup aningaasaqarnikkut suleqatissaminik ujaasineranut atatillugu inatsisitigut akuerisaanerup pisariaqartup pissarsiarinissaanut aningaasaliinermik taama annertussusilimmik aningaasaliinissaq pisariaqartutut Naalakkersuisunit isigineqarpoq. Kiisalu 100 mio. kr.-it tungaannut aktiaateqarluni ingerlatseqatigiiffimmut akisussaaffittalimmik taarsigassarsisitsinissamut Naalakkersuisut pisinnaatinneqarnissaat akuerineqasasoq kissaatigineqarpoq. Taamaattumillu qinnuteqaat una missingersuutinut sunniuteqanngilaq. Mittarfiliornissat aggersut sananeqarnissaannut aningaasaliinissamut pisariaqartitsineq mittarfiliornissaq pillugu aktiaateqarluni ingerlatseqatigiiffissamit qulaajarneqarumarpoq.

#### Allat:

Naalakkersuisut iliuusaat nunatta karsiata isertitaqarneranik aningaasartuuteqarneranilluunniit nassataqartut imaluunniit nunatta karsianut pisussaaffiliisut aammalu iliuutsit ingerlatseqatigiiffiup siunertarisaanut naapertuutinngitsut Inatsisartunit Aningaasaqarnermulluunniit Ataatsimiititaliamit akuerineqaaqqaartussaapput. Ingerlatseqatigiiffiup siunertaanik allanguinissaq Inatsisartunit Aningaasaqarnermulluunniit Ataatsimiititaliamit akuerineqaaqqaartussaavoq. Inatsisartut Aningaasaqarnermulluunniit Ataatsimiititaliaq akuersiseqqaarnagu ingerlatseqatigiiffik suliaassanik allanik ingerlataqarsinnaanngilaq. Naalakkersuisut allatut aalajangiinnigippata aktiaateqarluni ingerlatseqatigiiffik mittarfiit naammassineqarnissaasa tungaanut taamaallaat ingerlassaaq.

Mittarfiliornernik anguniakkat pingaernerit tassaapput angallanermik aqqissuussineq unammillernerunermik pilersitsisinnaasoq, angallanermi aningaasartuutiniq tamakkiisunik annikilliliinerit aamma billetit akiinik appartitsinerit inuiaqatigiinnut, inuussutissarsiortunut minnerunngitsumillu takornariaqarnermut ullumikkut angallanermi akinik qaffasissunik killilersorneqartunut iluaqutaasoq. Taakku saniatigut silaannakkut angallannerup nutaamik ilusilerneru pisortat suliaasaqarfianni sipaaruteqartitsissaaq, najugaqarfinnut najugaqarfinnillu inuttunngitsunit angallanermut tapiiffiginninnermut aningaasartuutikinnerulernikkut kiisalu pisortat timmisartumut billetinik akikinnerusunik pisisalernerisigut.

Suliamik suliarinninnerminut atatillugu ataatsimiititaliaq arlaleriarluni arlalinnik apeqquteqarpoq. Tamatuma saniatigut siunnersuut apeqqutillu tassunga atasut Aningaasaqarnermut Aatsitassanullu Naalakkersuisumit kiisalu Ineqarnermut, Sanaartornermut Attaveqarnermullu Naalakkersuisumit nassuiaateqarfigineqarput, tassungalu peqataanissamut Sanaartornermut Ataatsimiititaliaq aggersarneqarpoq. Kingullertut ataatsimiititaliaq apeqquteqarpoq Naalakkersuisut akissuteqarnissamut periarfissinneqareeripata Naalakkersuisunik siunersuineri akineqartussatut ataatsimiititaliamit kissaatigineqartunik.

Qinnuteqaammut Naalakkersuisut ilanngussaq 1-itut ilanngussaata aalajangiinnermut matumunnga ilanngussatut aamma ilanngunneqarpoq.

#### Ikinnerussuteqarluni oqaaseqaat:

Aningaasaqarnermut Akileraartarnermullu Ataatsimiititaliami ikinnerussuteqartut Inuit Ataqatigiit ilaasortaataaasa ikinnerussuteqarluni oqaaseqaat imaattoq saqqummiuppaat: Inuit Ataqatigiit nunatsinni mittarfiit arlallit sananeqarnissaat pillugu Naalakkersuisooqatigiit ingerlatseqatigiiffimmik pilersitsiniarneranni suleriaaseq tuaviuussinerlu aningaasanillu allanit aalleriaaseq akerleraarput. Mittarfiit sananeqartussat pillugit Nukissiorfiit sanaartugassatut pisariaqartitaannut atugassat, aamma inuiaqatigiit pisariaqartitaannut aningaasaliissutissat matumani katillugit 200 mio. koruunit aaneqarput. Ilangullugu inger-

latseqatigiiffik pilersinneqartoq aningaasanik 100 mio. koruuninit ”amigartooruteqarsinnaatinneqarpoq”.

Inuit Ataqtigiit apeqqutinik 23-inik Naalakkersuisunut nassiussivugut, suliassaq angeqimmat inuiaqtigiillu aningaasaataat katillugit 300 mio. koruuninik naleqartut pilersitsiniarnermi pineqarmata, sanaartortoqassappallu suli aningaasat amerlanerungaartut pineqarmata, peqqissaarussamik sulinissaq anguniarsimagaluarlutigu. Tamannali naalakkersuisooqtigiit qulaajaaffigerusunnigilaat. Qulaajarniarneqartunut pingaarutilinnut ilaavoq Nukissiorfiit aningaasanik aallerfigineqarneranni inuit atuisut akitigut eqqornerlunneqannginnissaat qulakkeerneqanngimmat.

Qulaajarusutatta ilaat tassaagaluarpoq suliaq ingerlatseriaatsimik allanit iluanaarutigineqartussamik inuiaqtigiillu iluanaarutiginissaannik tamakkiisumik qulakkeerinngittumik ingerlanneqarnialernersoq allatullu kontonut pioreersunut nuussinikkut siunertaq naammasineqarsimasinnaannginnersoq.

Sanaartornermut ataatsimiititaliap UKA 2015/18-mut isumaliutissiissusiaa atsioqataaffigisarpur suli tamakkiisumik tunuliaqutserparput, suleriaaserlu matuma suliama atorneqartoq isumaliutissiissummut tamatumunnga naapertuulluinnartuunersoq apeqquserparput.


Apeqqutit sanaartornermut tunngasut, aningaasaqarnermut tunngasut aamma inuiaqtigiinnut tamatsinnut kinguneqartussaasut peqqissaarullugit sularisarnissaat Inuit Ataqtigiit piumasaraarput.

### **Aningaasaqarnermut Akileraartarnermullu Ataatsimiititaliap aalajangiinera**

Siuliani allassimasutut oqaaseqaateqarlutik Aningaasaqarnermut Akileraartarnermullu Ataatsimiititaliami ikinnerussuteqartut Inuit Ataqtigiit ilaasortaataasa Naalakkersuisut inassuteqaataat **akuerisinnaanngilaat**.

Siuliani allassimasutut oqaaseqaateqarlutik Aningaasaqarnermut Akileraartarnermullu Ataatsimiititaliami amerlanerussuteqartut Siumup, Demokraatit Atassutillu ilaasortaataasa Naalakkersuisut inassuteqaataat **akuersissutigaat**.

Ataatsimiititaliap sinnerlugu



Jens Immanuelson

Aningaasaqarnermut Akileraartarnermullu Ataatsimiititaliap Siulittaasua

Ilanngussaq 1: IA2016-imut oqaasertaliussanut aamma oqaasertaliussanut nassuiaatinut:

Naalakkersuisut Siulittaasuat – suliassaqarfik 10

Oqaasertaq tulliuuttoq kontumut pingaarnermut 10.13.11 Aktiaateqarluni ingerlatseqatigiiffinnut toqqaannartumik aningaasartuutit, oqaasertaliussatut nutaatut ilanngunneqarpoq:

"Kontumut pingaarnermut 10.13.11 Aktiaateqarluni ingerlatseqatigiiffinnut toqqaannartumik aningaasartuutit Naalakkersuisut pisinnaatinneqarput aktiaatileqatigiiffimmik Namminersorlutik Oqartussanit 100 pct.-imik pigineqartumik, Ilulissani, Nuummi Qaqortumilu mittarfinnik nutaanik taakkunungalu atasunik atortulersuutinik sanaartortussamik pilersitsissallutik.

Naalakkersuisut pisinnaatinneqarput aktiaatileqatigiiffimmut 200 mio. kr.-nik piginneqataassutsimut aningaasaliissutsinik aningaasanngorlugit akilerneqartunik akiliissasut. Kiisalu Naalakkersuisut pisinnaatinneqarput Namminersorlutik Oqartussat Nuummi, Ilulissani Qaqortumilu mittarfiini atasuni taakkunungalu ilaareersut illut, teknikkikkut sanaartukkat kiisalu pigisat nuunneqarsinnaasut, nalinginik akileeqaataassutikkut akilerneqartunik, Naalakkersuisut ingerlatseqatigiiffimmut piginneqataassutsimut aningaasaliissutinik akiliisinnaasutut.

Ingerlatseqatigiiffik pisussaatinneqarpoq Ilulissani Nuummilu mittarfiit pioreersut, akeqanngitsumik Namminersorlutik Oqartussanut atukkiuttussaallugit. Namminersorlutik Oqartussat mittarfinnik pioreersunik ingerlatsinerisigut aningaasartuutit tamarmik akilerneqartassapput isertitallu tamarmik ilanngunneqartassallutik. Piffissami naleqquttumi kalleriinnikkut, isumaqatigiissut illua-tungeriinnit tamanit sukkulluunniit atorunnaarsinneqarsinnaavoq.

Iluanaarutininik, pissarsiassanik assigisaannilluunniit immikkut ittunik Nunatta Karsiata isertitaqassappat, Naalakkersuisut pisinnaatinneqarput, matuma saniatigut taakkunangga katillugit 100 mio. kr.-t tungaannut naleqartunik, aktiaatileqatigiiffimmut taarsigassarsititsinnaanissamut, imaappat isertitat immikkut ittut isertitat naatsorsuusiorderi aningaasartuutitullu naatsorsuusiorderi, isertitat atornissaannut politikikkut aalajangerneqarnerat ataatsikkut pippat. Namminersorlutik Oqartussat namminneq taarsigassarsinermi atugassarititat angusinnaasaat assigalugit akisussaaffitalimmik taarsigassarsiat tunniunneqartarput.

Ingerlatseqatigiiffiup piginneqataassutsimut aningaasaatai Naalakkersuisunit isumagineqassapput Namminersorlutillu Oqartussat piginnittuussallutik.

Ileqquusumik ataatsimeersuarnermi aalajangerneqassapput ingerlatseqatigiiffiup taarsigassarsinissai kiisalu piginnittunik allanik ingerlatseqatigiiffimmut ilanngussiniarnermut isumaqatigiissuteqarnerit. Mittarfinnik nutaanik pilersitsinermut kiisalu pilersaarusiordermut attaveqatigiinnikkullu pilersitassanut ilaasunut pilersitsinermut atatillugu aningaasaliinissamut aktiaatileqatigiiffik taarsigassarsinnaavoq. Taassuma saniatigut namminersorlutik aningaasaliissutinik ingerlatseqatigiiffimmut ilanngussisinnaanissamut aktiaatileqatigiiffik misissuisinnaavoq.

Aktiaatileqatigiiffik Naalackersuisuni ataatsimeersuarnermi akuersinertigut, namminersorlutik suliaqartunik suleqateqarnissamut isumaqatigiissuteqarsinnaavoq, tamanna sanaartormik siuarsaasinnaasutut imaluunniit suliami aningaasaqarnerup tamarmiusup pitsannorsarneqarneranik kinguneqartussatut siulersuisut nalilerpassuk.

Uppernarsaatit, taarsigassarsinermit uppersarsaatit, takussutissiat aamma attestit il.il. sanaartormermit atatillugu suliarineqartut, oqaasertaliussami matumani ilaatinneqartut, pisortanit naqissusiinermit akitsuutinut pisussaajunnaarsinneqarput. Naqissusiinikkut pisussaajunnaarsitsinermit Nuummi, Ilulissani Qaqortumilu mittarfiini atasuni taakkunungalu ilaareersunik illunik, teknikkikkut sanaartukkanik kiisalu pigisanik nuunneqarsinnaasunik akileeqataasutitut tunniussineq ilaatinneqarpoq.

Ingerlatseqatigiiffiup siulersuisui Naalackersuisuni ataatsimeersuartitsinermit toqqarneqassapput, siulersuisunut ilaasortat pikkorissut 5-7-it mittarfinnik imaluunniit attaveqatigiinnermi sanaartukkanik assigusunik, sanaartormermit, aqutsinermit aningaasalersuinerimullu tunngasunik naleqquttumik paasisimasaqarlutillu misilittagaqassapput. Ingerlatseqatigiiffiup siulersuisui ataatsimut inuussutissarsiornikkut aqutsinikkullu piginnaasaqassapput kiisalu mittarfinnik aqutsinerup iluani aqutsinikkut piginnaasaqarlutik, silaannakkullu angallannermit tunngasunik ilisimasaqarlutik. Inuk, siulersuisuni ilaasortaasinnaanngilaq imaluunniit sinniisussaasinnaanani, Inatsisartunut imaluunniit Naalackersuisunut ilaasortaaguni, imaluunniit akiliisinnaajunnaarnermit atatillugu ingerlassami imaluunniit akileraarnermit unitsitsinermiikkuni taakkunaniillunuunniit paasineqaruni, akileraarnermit inatsimmik ingasattumik unioqquutitsisimasutut eqqartuunneqarsimaguni imaluunniit Kalaallit Nunaanni pinerluttulerinermit inatsimmi, imaluunniit Danmarkimi nunaniluunniit allani inatsisinik naapertuuttunik aningaasaqarnikkut pinerluttulerinermit aalajangersakkanik unioqquutitsisimaguni. Siulersuisut ingerlatseqatigiiffiup qullersaqarfianik atorfinitsitsillutillu soraarsitsissapput. Taamaallaat, siulersuisut piginnaasaannut naapertuuttumik piginnaasalimmik atorfinitsitsisoqarsinnaavoq. Siulersuisuni Namminersorlutik Oqartussanit Ineqarnermit, Sanaartormermit Attaveqatigiinnermullu Naalackersuisoqarfiup pisortaanit kiisali Mittarfeqarfiit pisortaanit aallartitaqassasut siunnersuutigineqarpoq – Taaneqartut kingulliit marluk siulersuisut sulineranni peqataanermittut akissarsiaqartinneqassanngillat.

Siulersuisunut ilaasortanik pikkorissunik sulilersitsinissamut tunngatillugu, aktiaatileqatigiiffinni pisortanit pigineqartuni siulersuisut akissarsiarisinnaasaannut sinaakkummi qaffasinnerpaami akilersorneqartariarput, matumunnga tunngatillugu Naalackersuisut malittarisassaannut naleqqiullugu. Siulersuisuni ilaasortat immikkut ittunik ajornakusoortunik piffissartornartunillu suliaqarsimasut, immikkut akissarsitinneqarsinnaapput.

Nuna tamakkerlugu pilersarusiornermit soqutigisanik suliarinninnermit atatillugu, mittarfinnik nutaanik atortulersuutinillu taakkununga atasunik pilersitsinermit atatillugu, Naalackersuisut isumaqatigiissuteqarsinnaapput kommunini sanaartorfiguminarsaanermit aningaasartuutit akilernissaannut.

Nuna tamakkerlugu pilersarusiornissamut peqqussutikkut, mittarfinnik nutaanik sanaartornissamut taakkunungalu ilaasunut atortulersuutinut, illunutt, teknikkikkullu sanaartukkanut aalajangersakkat peqqissaarnerusut Naalackersuisut aalajangiussinnaavaat

aamma Naalakkersuisut aalajangersinnaavaat, nuna tamakkerlugu pilersaarusiornissamut puqqussut, Ilulissani, Nuummi imaluunniit Qaqortumi mittarfiliorluni sanaartornissani, taakkunungalulu ilaasunut atortulersuutitut, illunutt, teknikkikkullu sanaartukkanut nunaminertamut atuinermt aalajangersakkat peqqissaarnerusut, kommunimi pilersaarutitut inatsisitigut kinguneqassasut.

Kontu pingaarnermut 10.13.11 Aktiaateqarluni ingerlatseqatigiiffinnut toqqaannartumik aningaasartuutit, oqaasertaliussamut nassiuaatit Ilulissani, Nuummi Qaqortumilu mittarfinnik nutaanik pilersitsinissanut, Ilulissani Nuummilu 2.200 meterinik takissusilinnik kiisalu Qaqortumi 1.499 meterinik takissusilimmik mittarfiliornissanut tuavisaarutitut, Naalakkersuisut aktiaatileqatigiiffimmik pilersitsiniarlutik, aalajangernerisa kingunerisaanik, 200 mio. kr.-nik aningaasanik aningaasaliinissamik kiisalu Nuummi, Ilulissani Qaqortumilu mittarfiini atasuni taakkunungalulu ilaareersut illut, teknikkikkut sanaartukkat kiisalu pigisat nuunneqarsinnaasut, nalinginik akileeqataassutikkut akiliinissamik oqaasertaliussaq pisinnaalersitsivoq.

Saniatigut oqaasertaliussap Naalakkersuisut piginnaatippai, 100 mio. kr.-nit tungaannut ingerlatseqatigiiffimmut akisussaaffilimmik taarsigassarsititsinnaanissaannut, ingerlatseqatigiiffinnit tamakkiisumik imaluunniit ilaannakumik namminersorlutik oqartussanit pigineqartunik, pissarsiassanik, iluanaarutunik assigisaannillu tigusaqarunik. Pissarsiassatut, iluanaarutitut, assigisaannillu isertitatut isigineqarput Aningaasanut Inatsimmi isertitatut aningaasaliissutinik qaangiisut. Oqaasertaliussamik Naalakkersuisut piginnaatinneqarput, isertitanik immikkut ittunik taamaattunik, isertitatut naatsorsuusiormermik aningaasartuutitullu naatsorsuusiormermi timalimmik aalajangiisinnaassasut, aktiaateqarluni mittarfiutilimmut taarsigassarsiatut aningaasat atorneqarnissaannut aamma siunertaqartumik, taamaasilluni pisinnaatitsineq IST-mut sunnuteqassanngilaq. Aningaasaqarnermut Akileraartarnermullu Pisinnaatitsinermik atuinermi Ataatsimiititaliaq erngerluni nalunaarfigineqassaaq.

Oqaasertaliussami allassimapput, aktiaatileqatigiiffimmik pisortanit pigineqartumik pilersitsinissamut aqutsinissamillu, Ilulissani, Nuummi Qaqortumilu mittarfinnik nutaanik pilersitsinissamik suliarinnittussamut sinaakkutit.

Naatsorsuutigineqarpoq mittarfissat sanaartornissaannut tunngatillugu ingerlatseqatigiiffik taarsigassarsinissamut isumaqatiginninniartassaaq taarsigassarsisassallunilu. Taarsigassarsineq Naalakkersuisuni ataatsimeersuarnermi akuerineqartassaaq aammalu, taarsigassarsinermut aalajangersakkanik tunngavissanillu, Missingersuusiormermut aamma Naatsorsuuserinermut inatsisissatut siunnersuummiittunik, Naalakkersuisut UPA2016-imi (UPA2016/20) saqqummiussassaanniittunik ataqqinnissalluni. Tamanna aningaasaqarnikkut kingunerisassani ataani allaaserineqartuni itisilerneqassaaq. Taarsigassarsinermut aalajangersakkanik imaluunniit tunngavissanik allanik Inatsisartut akuersissuteqarpata, taakku akuersissutigineqarneranit atutilissapput.

Naalakkersuisuni ataatsimeersuarnermi akuersissutigineqarneratigut ingerlatseqatigiiffik aamma namminersorlutik suliaqartunik suleqateqarnissamik isumaqatigiissuteqarsinnaapput, tamanna sanaartormermik siursaasinnaasutut imaluunniit suliami aningaasaqarnerup tamarmiusup pitsanngorsarneqarneranik kinguneqartussatut siulersuisut nalilerpassuk.

Oqaasertaliussaq nutaajuvoq.”